





第一三八〇册

四庫全書

●上海古籍出版社

本冊目次

古 詩 紀 (二)
詩 紀 匡 謬

明 馮惟訥撰……………一
清 馮 舒撰……………七〇三

欽定四庫全書

集部
古詩紀卷七十四

詳校官檢討臣德生
侍讀臣孫球覆勘

總校官知縣臣楊懋珩
校對官編修臣吳裕德
謄錄監生臣范光謙

欽定四庫全書

古詩紀卷七十四

明馮惟訥撰

梁第一

武帝

武帝名翊字叔陵初仕齊累遷隨王鎮西侯襲封齊王而自立四傳五十五年

樂府

芳樹

綠樹始搖芳芳生非一樹一葉度春風芳華自相接雜
色龍參差果花紛重疊重疊不可思思此誰能愜

欽定四庫全書

古詩紀
卷七十四

有所思

誰言生離久適意與君別衣上芳猶在握裏書未減腰
間雙綺帶夢為同心結常恐所思露瑤華未忍折

臨高臺

樂府作
簡文帝

高臺半行雲望望高不極草樹無參差山河同一色
髣髴洛陽道遠難別識玉階故情人情來共相憶

雅臺

日落登雅臺佳人殊未來綺窓蓮花掩網戶琉璃開
草

茸臨紫桂蔓延交青苔月沒光陰盡望子獨悠哉

長安有狹邪行帝王集作親武帝者非

洛陽有曲陌曲陌不通驛忽遇一作逢二少童扶轡問君

宅我宅邯鄲右易憶復可知大息組細縕中息佩陸離

小息尚青綺總轡本集作總角遊南皮三息俱入門家臣拜

門垂三息俱升堂旨酒盈千卮三息俱入戶戶內有光

儀大婦理金翠中婦事主觴小婦獨閒暇調笙遊曲池

大人少聚個鳳吹方參差

欽定四庫全書古詩紀卷七十四

擬青青河畔草

暮暮繡戶絲悠悠懷昔期昔期久不歸鄉國曠音徽音

徽空結遲半寢覺如至既寤了無形與君隔平生月以

雲掩光葉以霜推老當途競自容莫肯為一作與妾道

擬明月照高樓

圓魄當虛閨清光流思延延思對孤影悽怨還自憐臺

鏡早生塵匣琴又無絃悲慕屢傷節離憂並華年君如

東扶景妾似西柳烟相去既路迴明晦亦殊懸願為銅

鐵轡以感長樂前

閨闈篇

西漢本佳妍金馬望甘泉銜尉屯兵上期門曉漏傳猶

重河東賦欲知追神仙羽騎凌雲轉閨闈帶空懸長祈

掃月窟鳳迹輟星躔但使丹砂就能令億萬年

邯鄲歌

回顧灞陵上北指邯鄲道短衣妾不傷南山為君老

子夜歌二首武帝清商諸曲並見玉臺新詠其與樂府不同者註各題下

欽定四庫全書古詩紀卷七十四

侍愛如欲進含羞未肯前朱口發艷歌玉指弄嬌絃樂府

作古辭下同

朝日照綺窓光風動紈羅巧笑靨兩犀美目揚雙蛾

子夜四時歌

春歌四首

階上香入懷庭中花照眼春心一如此情來不可限樂府

作王金珠

蘭葉始滿池梅花已落枝持此可憐意摘以寄心知

朱日光素冰黃花映白雪折梅寄佳人共迎一作陽春

月樂府作王金珠

花塢蝶雙飛柳堤烏百古不見佳人來徒勞心斷絕樂府

載不

夏歌四首

江南蓮花開紅光照碧水色同心復同藕異心無異蔡大

載一首云江南蓮花水紅光復碧色同絲有同藕異心無異焉

閨中花如繡簾上露如珠欲知有所思停纖復踟躕

欽定四庫全書

古詩紀卷七十四

四

玉盤著一作朱李金杯盛白酒雖欲持自親復恐不甘

口樂府作王金珠

含桃落花日黃鳥營飛時君住馬已疲妾去蘇欲饑

秋歌四首

繡帶合歡結錦衣連理文懷情入夜月含羞出朝雲樂府

作王金珠冬歌其首句云寒閨周繡帳

七采紫金柱九華白玉梁但歌雲不去含吐有餘香

吹漏未可停絃斷更當續俱作雙絲引共奏同心曲以上

二首樂府不載

當信抱梁期莫聽迴風音鏡中兩人誓分明無兩心

冬歌四首

寒閨動散帳密庭重錦席賣眼拂長袖含笑留上客

別時烏啼戶今晨雪滿墀過此君不返但恐綠鬢衰樂府

所載古辭一首與此小異

果欲結金蘭但看松柏林經霜不墮地嚴寒無異心樂府

作古辭

欽定四庫全書

古詩紀卷七十四

五

一年漏將盡萬里人未歸君志固有在妾軀乃無依樂府

載不

歡聞歌二首

艷艷金樓女心如玉池蓮持底報郎恩俱期遊梵天樂府

作王金珠

南有相思木合影復同心遊女不可求誰能息空陰樂府

作王金珠散聞雙歌

團扇歌樂府作王金珠

手中白團扇淨如秋團月清風任動生嬌香承意發

碧玉歌樂府作失名

杏梁日始照蕙席歡未極碧玉奉金杯綠酒助花色

上聲歌樂府作王金珠

花色過桃杏名稱重金瓊名歌非下里含笑作上聲

襄陽白銅鞮歌三首英華作白銅鞮

隋書樂志曰梁武帝之在雍鎮有童謠云襄陽白銅鞮反縛揚州兒識者言曰白銅鞮以金蹄為馬也白金色也及義師之興實以鐵騎揚州之士皆而縛果如謠言故即位之後更造新聲帝自為之

欽定四庫全書

古詩紀卷七十四

詞三曲又今沈約為三曲以被管絃古今樂錄曰襄陽白銅鞮者梁武西下所製也沈約又作其和

聖德應乾來云襄陽白銅鞮

陌頭征人去閨中女下機含情不能言送別沾羅衣

草樹非一香花葉百種色寄語故情人知我心相憶

龍馬紫金鞍翠眊白玉羈照耀雙闕下知是襄陽兒

揚叛兒

桃花初發紅芳草尚抽綠南音多有會偏重叛兒曲

白紵辭二首

藝文樂府作簡文帝今從玉臺作武帝以下七言

朱絲玉柱羅象筵飛瑄促節舞少年短歌流目未肯前含笑一轉私自憐

纖腰嫋嫋不任衣嬌怨獨立特為誰赴曲君前未忍歸

上聲急調中心飛

河中之水歌

玉臺樂府作梁武帝藝文作古辭

河中之水向東流洛陽女兒名莫愁莫愁十三能織綺十四採桑南陌頭十五嫁為盧家婦十六生兒字阿侯盧家蘭室挂為梁中有鬱金蘊合香頭上金釵十二行

欽定四庫全書

古詩紀卷七十四

足下絲履五文章珊瑚掛鏡爛生光平頭奴子擎一作履箱人生富貴何所望恨不早嫁東家王

東飛伯勞歌

一云紹古歌玉臺集大樂府並作古辭

東飛伯勞西飛燕黃姑織女時相見誰家兒女對門居

開顏發豔照里閨南窓北牖挂明月藝文作桂月光羅帷綺帳

脂粉香女兒年幾十五六窈窕無雙顏如玉三春已暮

花從風空留可憐誰與同

江南弄

七曲下雜言

古今樂錄曰梁天監十一年冬武帝改西曲製江南上雲樂十四曲江南弄七曲一曰江南弄二曰龍笛曲三曰採蓮曲四曰鳳笙曲五曰採菱曲六曰遊女曲七曰朝雲曲又沈約作四曲一曰越瑟曲二曰秦箏曲三曰陽春曲四曰朝雲曲亦謂之江南弄云

江南弄 古今樂錄曰江南弄三洲嶺

和云陽春路娉婷出綺羅

衆花雜色滿上林舒芳耀綠垂輕陰連手蹀躞舞春心
舞春心臨歲臆中人望獨踟躕

龍笛曲

欽定四庫全書 古詩紀 卷七十四

和云江南音一唱值千金

美人綿耿在雲堂雕金鏤竹眠玉牀婉愛寥亮繞虹梁
繞虹梁流月臺駐狂風鬱徘徊

採蓮曲 文苑英華作吳均今從樂府玉臺作武帝採菱曲同

和云採蓮渚窈窕舞佳人

遊戲五湖採蓮歸發花田葉芳襲衣為君艷歌世所希
世所希有如玉江南弄採蓮曲

鳳笙曲

和云弦吹席長袖善留客

綠耀尅碧雕瑄笙朱唇玉指學鳳鳴流連參差飛且停
飛且停在鳳樓弄嬌響間清謳

採菱曲

和云菱歌女解佩戲江陽

江南稚女珠腕繩金翠搖首紅顏興桂棹容與歌採菱
歌採菱心未怡翳羅袖望所思

遊女曲

欽定四庫全書 古詩紀 卷七十四

和云當年少歌舞承酒笑

氛氲蘭麝體芳滑容色玉耀眉如月珠佩嫋嫋戲金闌
戲金闌遊紫庭舞飛閣歌長生

朝雲曲

和云徙倚折耀華

張樂陽臺歌上謁如霞如興芳掩緩容光既艷復還沒
復還沒望不來巫山高心徘徊

上雲樂 七內

古今樂錄曰上雲樂七曲梁武帝製以代西曲一曰鳳臺二曰桐柏三曰方丈四曰方諸五曰玉龜六曰金丹七曰金陵

鳳臺曲

和云上雲真樂萬春

鳳臺上兩悠悠雲之際神光朝天極華蓋過延州羽衣

昱耀春吹去復留

桐柏曲

和云可憐真人遊

欽定四庫全書

古詩紀
卷七十四

桐柏真昇帝賓戲伊谷遊洛濱參差列鳳管容與起梁

塵重不可至徘徊謝時人

方丈曲

方丈上峻層雲挹八玉御三雲金書發幽會碧簡吐玄

門至道虛凝冥然共所遵

方諸曲

古今樂錄曰方諸曲三洲韻

和云方諸上可憐歡樂長相思

方諸上上雲人業守仁拱金集瑤池步光禮王晨霞蓋

容長肅清虛伍列真

玉龜曲

和云可憐遊戲來

玉龜山真長仙九光曜五雲生交帶要分影大華冠晨

纓者一作壽

如玄羅出入遊太清

金丹曲

和云金丹會可憐乘白雲

紫霜耀絳雪飛追以還轉復飛九真道方微千年不傳

欽定四庫全書

古詩紀
卷七十四

一傳裔雲衣

金陵曲

句曲仙長樂遊洞天巡會跡六門揖玉板登金門鳳泉

迴肆驚羽降尋雲驚羽一流芳芬鬱氛氲

古詩紀卷七十四

欽定四庫全書

古詩紀卷七十五

明 馮惟訥 撰

梁第二

武帝二

詩

逸民一作逸民
四言

如壘生木木有異心如林鳴鳥鳥有殊音如江遊魚魚有浮沈巖巖山高港港水深事跡易見理相難尋

欽定四庫全書

古詩紀
卷七十五

直石頭以下
五言

率土皆王土安知全高尚東壘棄黍稷西遊入卿相屬
逢利建始投分參末將尺寸功未施河山賞已諒攝官
因時暇曳裾聊起望鬱盤地勢遠參差百雉壯翠壁絳
霄際丹樓青霞上夕池出濠渚朝雲生疊嶂籠鳥易為
思屠羊無飾讓泰階端且平海水本無浪小臣何日歸
頓轡從閑放

答任殿中宗記室王中書別

武帝初仕齊為隨王綽西諮議參軍隨
王鎮荊州帝赴鎮時同列以詩送別

問我去何節先風正悠悠蘭華時未晏舉袂徒離憂緩
客承別酒鳴琴和好仇清宵一已曙覽爾泛長洲眷言
無歇緒深情附還音流

宴詩

止殺心自詳勝殘道未遍四主慚懷音九夷稍革面世
治非去兵國安豈忘戰釣臺聞史籍岐陽書記傳闕

首夏泛天池

欽定四庫全書

古詩紀
卷七十五

薄遊朱明節泛漾天淵池舟楫互容與藻蘋相推移碧
沚紅蕖苞白沙青連漪新波拂舊石殘花落故枝葉軟
風易出草密路難披

登北顧樓

梁史武帝大同十年三月辛
京口城登北顧樓更名北顧

欲駕止行警迴與暫遊識清道巡丘壑緩步肆登陲
行上差池羊腸轉相逼歷覽窮天步矚瞻盡地城南城
連地險北顧臨水側深潭下無底高岸長不測舊嶼石

若構新洲花如織

天安寺疏圓堂

乘和蕩猶豫此馬耶止息連山去無限長洲望不極參
差照光彩左右皆春色掩曖曠遊絲出沒看飛翼其樂
信難忘儵然寧有飾一作極

藉田

寅賓始出日律中方星鳥千畝土膏紫萬頃陂色縹緲
駕佇霞昕浥露逗光曉啓行天猶暗伐鼓地未悄蒼龍
欽定四庫全書古詩紀
卷七十五

發蟠蜿青旂引窈窕仁化洽孩蟲德令禁胎大耕藉乘
月映遺滯指秋杪年豐原讓多歲薄禮節少公卿秉耒
耜庶吐荷鉏耨一人慙百王三推先億兆

拱孔子正言竟述懷詩

隋志孔子正言二
十卷梁武帝撰

志學恥傳習弱冠闕師友愛悅夫子道正言思善誘刪
次起實沈救青在建酉孤陋乏多聞獨學少擊叩仲冬
寒氣嚴霜風折細柳白水凝澗谿黃落散堆阜康哉信

股肱惟聖歸元首獨數予一人端然無四友

遊仙

水華寃靈輿陽精測神祕其聞上仙訣留丹未肯餌潛
名遊柱史隱迹居郎位委曲鳳臺日分明拍寢事蕭史
暫徘徊待我升龍轡

遊鍾山大愛敬寺

曰予受塵縛未得留蓋纏三有同永夜六道等長眠才
性乏方便智力非善權生住無停相刹那即但遷歎逝
欽定四庫全書古詩紀
卷七十五

比悠稔交臂乃眷年從流既難反弱喪謂不然二苦常
追隨三毒自燒然貪癡養憂畏一作愛熱惱坐焦煎道心
理歸終信首故宜先駕言追善友回與尋勝緣面勢周
大地縈帶極長川稜層疊嶂遠迤邐陞道懸朝日照花
林光風起香山飛鳥發差池出雲去連綿落英分綺色
墜露散珠圓當道蘭蘿靡臨階竹便娟幽谷響嚶嚶石
瀨鳴濺濺蘿短未中攬葛嫩不任牽攀緣傍玉澗褰陟
度金泉長途弘翠微香樓間紫煙慧居超七淨梵住踰

八禪始得展身敬方乃遂心虔菩提聖種子十力一作萬

良福田正趣果上果歸依天中天一道長死生有無離

二邊何待空同右豈羨汾陽前以我初覺意貽爾後來

賢

會一作迷三教

少時學周孔弱冠窮六經孝義連方冊仁恕滿丹青踐

言貴去伐為善存好生中復觀道書有名與無名妙術

鑄金版真言隱上清密行貴陰德顯證表長齡晚年開

欽定四庫全書

古詩紀
卷七十五

五

釋卷猶日映衆星苦集始覺知因果乃方明示教惟平

等至理歸無生分別根難一執著性易驚窮源無二聖

測善非三英大椿徑億尺小草裁云萌大雲降大雨隨

分各受榮心想起異解報應有殊形差別豈作意深淺

固物情

和太子懺悔太子即簡文

玉泉漏向盡金門光未成緣繞聞天樂周流揚梵聲蘭

湯浴身垢懺悔淨心靈薑草獲再鮮落花蒙重榮闕

十喻五首

幻

揮霍變三有恍惚隨六塵蘭園種五果雕案出八珍對
見不可信熟視事非真空生四岳想徒勞七識神著幻
是幻者知幻非幻人

如炎

亂念曠長原例見望遙局透迤似江漢汎濫若滄溟金
波揚素沫銀浪翻綠萍遠思如可取近至了無形熱緣

欽定四庫全書

古詩紀
卷七十五

六

熱惚逼渴愛渴心生

靈空

物情異所異世心同所同狀如薪遇火亦似草行風迷
惑三界裏顛倒六趣中五愛性洞達十相法靈冲皆從
妄所妄無非空對空

乾闥婆

靈海自己極滄流去無邊蜃蛤生異氣閭婆鬱中天青
城接丹霄金樓帶紫煙皆從望見起非是物理然因彼

凡俗喻此中玄又玄

夢

甘寢隨四坐蓋睡依五衆違從競分諍美惡相戲弄出家為上首入仕作梁棟色已非真實聞見相靈洞長眼出長夜大覺和大夢

代蘇屬國婦

良人如我期不謂當過時秋風忽送節白露凝階甚愴愴獨涼枕慄慄孤月帷忽聽西北鴈似從東海涓果銜

欽定四庫全書

古詩紀
卷七十五

七

萬里書中有生離辭惟言長別矣不復道相思胡羊久割奪漢節故支持帛上看未終臉下淚如絲空懷之死誓遠勞同穴詩

古意二首

飛鳥起離離驚散忽差池噉嘈繞樹上翩翩集寒枝既悲征役久偏傷壠上兒寄言閨中妾此心詎能知不見松蘿上葉落根不移

當春有一草綠花復垂枝云是忘憂物生在北堂陰飛

飛雙蛺蝶低低兩差池差池低復起此芳性不移飛蝶雙復隻此心人莫知

擣衣

駕言易水北送別河之陽沈思慘行鑣結夢在空牀既寤丹綠謬始知紈素傷中州木葉下邊城應早霜陰蟲日慘烈庭草復芸黃金風徂清夜明月懸洞房嫋嫋同宮女助我理衣裳參差夕杵引哀怨秋砧揚輕羅飛玉腕弱袖低紅粧朱顏日已與盼睇色增光擣以一匪石

欽定四庫全書

古詩紀
卷七十五

八

織婦

送別出南軒離思沈幽室調梭輟寒夜鳴機罷秋日良人在萬里誰與共成匹願得一迴光照此憂與疾君情倘未忘妾心長自畢

戲作

宓妃生洛浦遊女出漢陽妖閑逾下蔡神妙絕高唐綿

駒且變俗王豹復移鄉况茲集靈異豈得無方將長袂
必留客清哇咸繞梁燕趙羞容止西施慙分芳徒聞珠
可弄定自乏明璫

七夕

白露月下團秋風枝上鮮珠臺含碧霧羅幕生紫煙妙
會非綺節佳期乃涼年玉壺承夜急蘭膏依曉煎昔悲
漢難越今傷河易旋怨咽雙念斷悽悽一作切兩情懸

紫蘭始萌

欽定四庫全書

古詩紀
卷七十五

九

種蘭玉臺下氣暖蘭始萌芬芳與時發婉轉迎節生獨
使金翠嬌偏動紅綺情二遊何足懷一顧非傾城羞將
苓芝侶豈畏題鳩鳴

邊戍

秋月出中天遠近無偏異共照一光輝各懷離別思

詠舞

腕弱復低舉身輕由迴縱可謂寫自歡方與心期共

詠燭

堂中綺羅人席上歌舞兒待我先泛灩為君照參差

詠筆

昔聞蘭蕙月獨是桃李年春心尚未寫為君照情筵

詠笛

柯亭有奇竹含情復抑揚妙聲發玉指龍音響鳳凰

答蕭琛

梁書曰高祖在西邸早與琛狎每朝燕接以舊恩
呼為宗老琛亦奉陳昔恩以早蓮中陽風泰同開
雖迷興運猶荷
洪慈上答云云

欽定四庫全書

古詩紀
卷七十五

十

雖云早契闊乃自非同志勿談興運初且道狂奴異

賜謝覽王暕詩

南史曰中書侍郎謝覽侍武帝坐受教與侍
中王暕為詩答贈其文甚工武帝賜詩云

雙文既後進二少實名家豈伊爾棟隆信乃俱國華

賜張率

南史曰率侍武帝遊宴
賦詩武帝別賜率詩曰

東南有才子故能服官政余雖慚古昔得人今為盛

戲題劉孺手板

南史曰武帝宴壽光殿指席臣賦詩時劉琨與張率並醉未成武帝取琨手板題戲之曰

張率東南美劉琨洛陽才攬筆便應就何事久違回

送始安王方略入關

梁武帝結好於親遣始安王方略入關送之作詩曰

如何吾幼子勝衣已別離十日無由宴千里送淚垂

覺意詩賜江革

梁書曰時高祖盛於佛教銅鑄多啓求受戒革精信因果而高祖未知謂革不奉佛教乃賜革覺意

詩五
百字

欽定四庫全書

古詩紀
卷七十五

十一

唯當勤精進自強行勝脩豈可作底寔如彼必死囚

聯句詩

傾城非人美十載難重逢雖懷軒中意愧無鬢髮容

清暑殿效柏梁體

七言

居中負宸寄纓紱

帝

言慙輻輳政無術

新安太守任昉

至德無

根愧違弼

詩中徐勉

變贊京河豈微物

丹陽水劉汎

竊侍兩宮慙

樞密

黃門侍郎柳恹

清通簡要臣豈汨

吏部郎中謝覽

出入帷帳溢榮

秩

侍中張卷

複道龍樓歌琳實

太子中庶子王峻

空班獨坐慙羊質

即史中丞陸果嗣以書記臣敢匹右軍主簿陸倕 謬參和鼎講畫司徒

主簿劉治 昂味參和臣多慙司徒左西

欽定四庫全書

古詩紀
卷七十五

十二

古詩紀卷七十五

欽定四庫全書

古詩紀卷七十六

明 馮惟訥 撰

梁第三

昭明太子

據統字德施武帝長子也生而聰睿諸書數行誼下每遊宴祖造賦詩皆屬思便成

無所點易寬和容東接引才俊喜文章聚書至三萬餘卷著述甚多年三十一卷

樂府

有所思

玉臺作度角吾

公子

一作佳人

遠子隔乃在天一方望望江山阻悠悠道路

欽定四庫全書

古詩紀卷七十六

長別前秋葉落別後春花芳雷歎一聲響雨淚忽成行

悵望情無極傾心還自傷

相逢狹路間

京華有曲巷

一作曲

不通輿道逢一俠客緣路問君

居君居在城北可尋復易知朱門間皓壁刻桐映晨離

階植若

一作若

華草光景逐廳移輕憶委四屋一作逐蘭膏

然百技長子飾青紫中子任以貲小子始總角方作啼

弄兒三子俱入門赫奕盛羽儀華駟服銜轡白玉鏤鞵

羈容止同規矩賓從盡恭卑雅鄭時間作孤竹乍參差

雲翔雜水宿弄吮滿清池歡樂無終極流目豈知疲門

下非毛遂坐上盡英奇大婦成貝錦中婦飭粉絕一作治粉

施小婦獨無事理曲步簷垂丈人暫徙倚行使流風吹

三婦艷

大婦舞輕巾中婦拂葦茵小婦獨無事紅黛潤芳津良

人且高卧方欲薦梁塵

飲馬長城窟行

一云振青河畔草

欽定四庫全書

古詩紀卷七十六

亭亭山上拍悠悠遠行客行客行路遙故鄉日迢迢迢迢

迢不可見長望涕如霰如霰獨留連長路遶綿綿胡馬

愛北風越燕見日喜緼此望鄉情沈憂不能止有朋西

南來投我用水李并有一札書行止風雲起扣封披書

札書札竟何有前言節所受後言別離久

長相思

相思無終極長夜起歎息徒見貌婢媚寧知心有憶寸

心無以一作所因願附歸飛翼